

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**439** Ўзбекистон давлат жаҳон тиллари университетининг
моддий-техника базасини янада ривожлантириш
чора-тадбирлари тўғрисида

Ўзбекистон Республикаси Президентининг «Ўзбекистон давлат жаҳон тиллари университети фаолиятини такомиллаштириш чора-тадбирлари тўғрисида» 2013 йил 23 майдаги ПҚ–1971-сон қарорини бажариш юзасидан, шунингдек Ўзбекистон давлат жаҳон тиллари университетининг моддий-техника базасини мустаҳкамлаш ва модернизация қилиш мақсадида Вазирлар Маҳкамаси **қарор қилади:**

1. Ўзбекистон давлат жаҳон тиллари университетининг моддий-техника базасини мустаҳкамлаш ва кенгайтириш тадбирлари 1-иловага мувофиқ тасдиқлансин.

2. Ўзбекистон давлат жаҳон тиллари университети (кейинги ўринларда Университет деб аталади) объектларини қуриш ва реконструкция қилиш бўйича қуйидагилар:

Ўзбекистон Республикаси Олий ва ўрта махсус таълим вазирлигининг «Ягона буюртмачи хизмати» инжиниринг компанияси — буюртмачи этиб;

«Ўзоғирсаноатлойиҳа» очиқ акциядорлик жамияти — бош лойиҳалаш ташкилоти этиб белгиланганлиги маълумот учун қабул қилинсин.

Қуйидагилар бош пудрат ташкилотлари этиб белгилансин:

Ўзбекистон Республикаси Президенти Девони Ишлар Бошқармасининг Қурилиш бирлашмаси — Тошкент шаҳри, Учтепа тумани, Г9А, Кичик ҳалқа йўли кўчаси, 21 ва 21а-уйлар манзилларидаги; Учтепа тумани, 25-мавзе, Катта Хирмонтёпа кўчаси билан Ширин кўчаси кесишган жойдаги бўш ер участкасидаги биноларни қуриш ва реконструкция қилиш бўйича;

«BITI-PRODUCTION» қўшма корхонаси — Тошкент шаҳри, Учтепа тумани, Заковат кўчаси, 4-уй манзилидаги биноларни реконструкция қилиш ва мукамал таъмирлаш бўйича;

«Shodmonov» масъулияти чекланган жамият — Тошкент шаҳри, Учтепа тумани, Г9А мавзеси, 26, 26а ва 26б-уйлар манзилларидаги биноларни реконструкция қилиш ва мукамал таъмирлаш бўйича.

3. Ўзбекистон Республикаси Олий ва ўрта махсус таълим вазирлигига Университет объектларини қуриш ва реконструкция қилишни лойиҳа-смета ҳужжатларини параллел равишда ишлаб чиққан ҳолда амалга оширишга истисно тариқасида рухсат этилсин.

4. Бош лойиҳалаш ташкилоти:

буюртмачи билан биргаликда 2013 йил 31 декабргача Университет биносини қуриш бўйича лойиҳа-смета ҳужжатлари ишлаб чиқилишини;

реконструкция қилинаётган бинолар ва иншоотларнинг қурилиш конст-

рукциялари техник ва инструментал текширувдан ўтказилишини таъминласин.

5. Ўзбекистон Республикаси Иқтисодиёт вазирлиги Молия вазирлиги билан биргаликда, тасдиқланган смета-лойиҳа ҳужжатлари асосида Ўзбекистон Республикаси Молия вазирлиги ҳузуридаги Олий таълим муассасаларининг моддий-техника базасини ривожлантириш жамғармаси (кейинги ўринларда Жамғарма деб аталади) маблағлари ҳисобига 2013 — 2016 йилларда Университетнинг моддий-техника базасини мустаҳкамлаш ва кенгайтириш тадбирларининг молиялаштирилишини таъминласин.

6. Ўзбекистон Республикаси Иқтисодиёт вазирлиги, «Ўзқурилишматериаллари» акциядорлик компанияси, «Ўзметкомбинат» очик акциядорлик жамияти, буюртмачи ва лойиҳалаш ташкилотининг асосланган ҳисоб-китобларига биноан, тўғридан-тўғри шартномалар асосида, тартибга солиб бориладиган нархлар бўйича Университет объектларини қуриш, реконструкция қилиш ва ҳудудларини ободонлаштириш учун цемент ва металл прокати ажратилишини таъминласинлар.

7. Ўзбекистон Республикаси «Давархитектқурилиш» қўмитаси лойиҳа-смета ҳужжатларини экспертизадан ўтказишни ва қурилиш-монтаж ишларини бажариш сифати юзасидан давлат архитектура-қурилиш назоратини таъминласин.

8. Белгилаб қўйилсинки, Университет бинолари ва иншоотларини ўқув-лаборатория асбоб-ускуналари, компьютер ва мультимедий техникаси, инвентарь ва мебелларнинг асосий турлари билан жиҳозлаш белгиланган нормативларга мувофиқ, қурилиш-реконструкция ишларининг тегишли босқичлари тугалланишига кўра, уларни сотиб олиш харажатларини лойиҳа-смета ҳужжатларига киритиш йўли билан амалга оширилади.

9. Ўзбекистон Республикаси Молия вазирлиги 2013 йилда Жамғарма маблағлари ҳисобидан Университетга 2-иловага мувофиқ энг зарур замонавий компьютер техникаси ва мультимедий воситалари билан жиҳозлаш учун бюджет маблағлари ажратсин.

Университетга 2013 йилда, энг яхши таклифларни танлов бўйича танлаб олиш йўли билан, тендер савдолари ўтказмасдан зарур компьютер асбоб-ускуналари ва ўқитишнинг мультимедий воситаларини сотиб олишга истисно тариқасида рухсат этилсин.

10. Ўзбекистон Республикаси Олий ва ўрта махсус таълим вазирлиги ҳамда Хусусийлаштириш, монополиядан чиқариш ва рақобатни ривожлантириш давлат қўмитасининг Тошкент шаҳри, Навоий кўчаси, 48-уй манзилида жойлашган Университет бинолари ва иншоотларини тезкор бошқариш ҳуқуқи билан, Тошкент шаҳар ҳокимлигига бепул бериш тўғрисидаги таклифи қабул қилинсин.

11. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов ва Ўзбекис-

439-модда

— 18 —

33 (585)-сон

тон Республикаси Бош вазирининг ўринбосари А.И. Икромов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2013 йил 13 август,
222-сон

Вазирлар Маҳкамасининг
2013 йил 13 августдаги 222-сон қарорига
1-ИЛОВА

33 (585)-сон

**Ўзбекистон давлат жаҳон тиллари университетининг моддий-техника
базасини мустаҳкамлаш ва кенгайтириш
ТАДБИРЛАРИ**

Т/р	Тадбирлар номи	Объектлар манзили	Амалга ошириш муддатлари
1.	Университетнинг 2200 ўқувчи ўрнига эга бўлган янги ўқув-маъмурий биносини қуриш.	Тошкент шаҳри, Учтепа тумани, Г9 А, Кичик ҳалқа йўли, 21-уй	2013 — 2015 йиллар
2.	Университетнинг спорт зали, спорт ядроси (югуриш йўлкаси бўлган футбол майдони, волейбол, баскетбол майдончалари, теннис корти) ва сузиш ҳавзасидан иборат бўлган спорт мажмуасини қуриш.		
3.	400 ўринли янги ошхона қуриш.		
4.	Жалб этилган хорижий мутахассислар учун 20 ўринли янги меҳмонхона биносини қуриш.	Тошкент шаҳри, Учтепа тумани, 25-мавзе, Катта Хирмонтепа кўчасининг Ширин кўчаси билан кесишган жойидаги бўш ер участкаси	2013-2014 йиллар
5.	Француз филологияси факультетининг ўқув корпусини реконструкция қилиш, кейинчалик унда инглиз тилининг 3-факультетини жойлаштириш.	Тошкент шаҳри, Учтепа тумани, Г9 А, Кичик ҳалқа йўли, 21а-уй	2013-2014 йиллар
6.	Университет ректоратининг мавжуд маъмурий биносини реконструкция қилиш, унда замонавий ахборот-ресурс марказини жойлаштириш.	Тошкент шаҳри, Учтепа тумани, Г9 А, Кичик ҳалқа йўли, 21-уй	2014-2015 йиллар
7.	Таржима назарияси ва амалиёти факультетининг мавжуд ўқув корпусини реконструкция қилиш, унда Республика хорижий тилларни ўқитишнинг инновацион методикаларини ривожлантириш илмий-амалий марказини ҳамда таржима назарияси ва амалиёти факультетини жойлаштириш.		

Ўзбекистон Республикаси қонун ҳужжатлари тўғрисида, 2013 й.

— 19 —

439-модда

Т/р	Тадбирлар номи	Объектлар манзили	Амалга ошириш муддатлари
8.	4 қаватли алоҳида бинони реконструкция қилиш, унда 330 ўринли талабалар яшаш жойларини ташкил этиш.	Тошкент шаҳри, Учтепа тумани, Г9 А мавзеси, 26а-уй	2013-2014 йиллар
9.	Талабалар яшайдиган бинони мукамал таъмирлаш.	Тошкент шаҳри, Учтепа тумани, Г9 А мавзеси, 26-уй	2014-2015 йиллар
10.	Собиқ ошхона биносини реконструкция қилиш, унда мультимедиа аудиториясини, компьютер синфини, «Камолот» ёшлар ижтимоий ҳаракати ва «Маънавият ва маърифат» маркази хоналарини жойлаштириш.	Тошкент шаҳри, Учтепа тумани, Г9 А мавзеси, 26б-уй	2014-2015 йиллар
11.	8, 11 ва 12-ўқув корпуслари комплексини реконструкция қилиш, уларда 550 ўринли талабалар яшаш жойларини ташкил этиш.	Тошкент шаҳри, Учтепа тумани, Заковат кўчаси, 4-уй	2015-2016 йиллар
12.	7-ўқув корпусини мукамал таъмирлаш.		
13.	9-ўқув корпусини мукамал таъмирлаш.		
14.	10-ўқув корпусини мукамал таъмирлаш.		

**Ўзбекистон давлат жаҳон тиллари университети учун замонавий компьютер техникаси ва ўқитишнинг мультимедий воситалари
РЎЙХАТИ**

Т/р	Асбоб-ускуналар номи	Ўлчов бирлиги	Сони
1.	Тилларни ўрганиш учун компьютерли лингафон синфлари.	Комплект (ўқитувчи терминали — 1, талабалар учун терминаллар — 15, компьютер 15+1, кондиционер)	6
2.	Хорижий тилларни мустақил ўрганиш павильони.	Комплект (12 та компьютер, кондиционер)	6
3.	Электрон кутубхона зали.	Комплект (30 та компьютер, кондиционер)	3
4.	Мультимедий аудиторияси.	Комплект (компьютер, проектор, проекция учун экран, актив колонкалар, кондиционер)	12
5.	Мультимедий аудиторияси.	Комплект (LCD 42' телевизор, кондиционер)	14
6.	Университет ҳудудида радио ва видеотрансляция.	Комплект (рақамли тюнер ўрнатилган LCD 42' телевизор, «Uzdigital TV»га уланиш ва абонент тўлови, ДВД плеер — 8, овоз колонкалари — 20, қувватни кучайтиргич ва радиоузел — 3)	1
7.	Хорижий тиллар бўйича мультимедий ўқув материаллари яратиш учун студия.	Комплект (15 номдаги технологик ускуна)	1
8.	Маълумотлар узатиш тармоғи учун ускуна.	Комплект (2 та сервер, коммуникация ускунаси, кабеллар, вирусга қарши дастурий таъминот)	1
9.	Радиостудия мажмуи.	Комплект	1
10.	Компьютер синфлари учун мебель.	Комплект (компьютер столи + ИЗО яримюшкоқ стул)	258